

**LIGJI NR. 06/L-077**

**PËR NDRYSHIMIN DHE PLOTËSIMIN E LIGJIT NR. 2004/32 PËR FAMILJEN I KOSOVËS**

**Kuvendi i Republikës së Kosovës;**

Në bazë të nenit 65 (1) të Kushtetutës së Republikës së Kosovës,

Miraton

**LIGJ PËR NDRYSHIMIN DHE PLOTËSIMIN E LIGJIT NR. 2004/32 PËR FAMILJEN I KOSOVËS**

**Neni 1**

Neni 47 i ligjit riformulohet si vijon:

**Neni 47**

1. Pasuri e përbashkët e bashkëshortëve është pasuria e fituar me kontribut të përbashkët gjatë vazhdimit të martesës, si dhe të hyrat që rrjedhin nga pasuria e tillë.
2. Kontribut i përbashkët i bashkëshortëve gjatë vazhdimit të martesës konsiderohet:
  - 2.1. të ardhurat personale dhe të hyrat e tjera të secilit bashkëshort;
  - 2.2. ndihma e bashkëshortit e afruar bashkëshortit tjetër, siç është kujdesi për fëmijët, udhëheqja e punëve të shtëpisë, përkujdesja dhe mirëmbajtja e pasurisë, si dhe çfarëdo forme tjetër e punës dhe e bashkëpunimit lidhur me administrimin, mirëmbajtjen dhe shtimin e pasurisë së përbashkët.
3. Kontributi i përbashkët i bashkëshortëve gjatë vazhdimit të martesës për fitimin e pasurisë së përbashkët konsiderohet i barasvlershëm.
4. Bashkëshortët janë pronarë të përbashkët në pjesë të barabarta të pasurisë së përbashkët, nëse nuk janë marrë vesh ndryshe.
5. Pasuria e bashkëshortëve e fituar bashkërisht përmes lojërave të fatit konsiderohet pasuri e përbashkët.
6. Pasuria e përbashkët e bashkëshortëve mund të përfshijë të drejtat sendore dhe të detyrimeve.

**Neni 2**

Neni 298 i ligjit paragrafi 1 riformulohet si vijon:

1. Bashkëshorti i cili nuk është i aftë të punojë ose për ndonjë arsye tjetër nuk mund të punësohet dhe nuk ka mjete materiale të mjaftueshme për ekzistencë ka të drejtë në ushqim nga bashkëshorti tjetër në proporcion me mundësitë e tij.

**Neni 3**

Në nenet 301, 302, 303, 304, 309, 312, dhe 316 fjalët "Bashkëshorti i shkurorëzuar" hiqen dhe zëvendësohen me fjalët "Ish- bashkëshorti"

#### **Neni 4**

Në nenin 305 në rreshtin e tretë, hiqen fjalët “paragrafi (3)”.

#### **Neni 5**

Neni 309 i ligjit riformulohet si vijon:

1. Detyrimin për ushqim së pari e mban ish-bashkëshorti;
2. Nëse ish- bashkëshorti nuk afron ushqim të mjaftueshme, detyrimi për ushqim kalon në të afërmit e të paditurit sipas radhës së trashëgimisë.

#### **Neni 6**

Neni 311 i ligjit riformulohet si vijon: Ish-bashkëshortët mund të lidhin ujdë për ushqim para gjykatës në të cilën zhvillohet procedura për ushqim.

#### **Neni 7**

Neni 312 i ligjit riformulohet si vijon:

E drejta e ish-bashkëshortit për ushqim pushon kur kushtet nga neni 298-302 të këtij ligji nuk zbatohen më, kur kalon koha për të cilën gjykata e ka përcaktuar ushqimin, kur ish-bashkëshorti i cili e gëzon këtë të drejtë martohej ose hyn në bashkësi jashtëmartesore ose kur vdes.

#### **Neni 8**

Neni 313 i ligjit, riformulohet si vijon:

Detyrimi për ushqim nuk shuhet me vdekjen e personit të detyruar për dhënien e ushqimit, por kalon te trashëgimtarët ligjorë. Në këtë rast të gjitha kufizimet në vlerën e ushqimit pushojnë dhe shuma përcaktohet sërish, varësisht nga fuqia financiare e trashëguesit.

#### **Neni 9**

Neni 315 i ligjit, paragrafi 1 (një) në rreshtin e dytë fjala “alimentacion” hiqet dhe zëvendësohet me fjalën “ushqimi”. Po ashtu edhe në paragrafin 2 (dy) në rreshtin e parë, fjala “alimentacion” zëvendësohet me fjalën “ushqimi”.

#### **Neni 10** **Hyrja në fuqi**

Ky ligji hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

**Ligji Nr. 06/L-077**  
**21 dhjetor 2018**

**Shpallur me dekretin Nr. DL-03-2019, datë 08.01.2019 nga Presidenti i Republikës së Kosovës Hashim Thaçi**